

Eitem Agenda:

Adroddiad i'r:	Pwyllgor Craffu Perfformiad
Dyddiad y Cyfarfod:	6^{ed} Medi 2012
Aelod Arweiniol/Swyddog:	Aelod Arweiniol dros Addysg
Awdur yr Adroddiad:	Cydlynnydd 14-19
Teitl:	Trawsnewid Addysg Ôl 16

1. Ynglŷn â beth mae'r adroddiad?

- 1.1 Diweddariad yw'r adroddiad ar y cynnydd wrth Drawnewid Addysg Ôl 16 yn Sir Ddinbych, yn canolbwyntio'n arbennig ar Bartneriaeth Dyffryn Clwyd ar ôl ei chylch weithredu lawn gyntaf. Mae'r cynnydd yn 6^{ed} Prestatyn/Y Rhyl a Dyffryn Dyfrdwy i'w gael yn Atodiad 3.

2. Beth yw'r rheswm dros lunio'r adroddiad hwn?

- 2.1 Rhoi gwybod i'r pwyllgor am effaith hyn ar ysgolion a phobl ifanc yn Sir Ddinbych o ran gwerth yr arian a chanlyniadau addysgol.

3. Beth yw'r Argymhellion?

- 3.1 Bod yr Aelodau'n adolygu'r canlyniadau hyd yma ac yn asesu costau, manteision, gwerth yr arian a risgiau'r Partneriaethau Trawsnewid.

4. Manylion yr adroddiad

- 4.1 Mae effaith y Partneriaethau, y cynnig gwell o gyrsiau blaengar priodol ar Lefel 3 ym mhob un o'n hysgolion, a pherfformiad cyffredinol disgyblion Sir Ddinbych o ran cyflawni'r Trothwy Lefel 2 a Throthwy Lefel 2 gyda Chymraeg neu Saesneg gyda Mathemateg wedi bod yn amlwg. Cododd cyfradd cyfranogiad Sir Ddinbych (y % o ddisgyblion Blwyddyn 11 sy'n parhau yn y Chweched Dosbarth neu mewn Coleg AB) i 89.9% ac roedd yn ail i Fynwy yn unig (o 0.5%) yng Nghymru.

- **Partneriaeth Ôl 16 Dyffryn Clwyd**

Rydym bellach wedi cyrraedd diwedd cylch llawn cyntaf y cynnig cydweithredol gyda'r set gyntaf o ganlyniadau Lefel 3 (lefel Uwch yn bennaf).

Cafodd y rheini a gwblhaodd Blwyddyn 13 eleni gynnig 58 cwrs Lefel 3 (safon UG/Uwch) sy'n cynnwys 22 o opsiynau galwedigaethol a chymhwysol gan roi i ddysgwyr Dyffryn Clwyd amrediad mor eang o gyrsiau ag unrhyw le yn y wlad. Fe wnaeth y gyfradd aros-ymlaen (y % ganran o flwyddyn 11 yn parhau i'r Chweched Dosbarth) ar draws pedair ysgol Dyffryn Clwyd godi o 56.8% yn

2009 i 60.8% yn 2010 a 63.2% yn 2011.

Cyflawnodd 96.2% o'r myfyrwyr yn y Bartneriaeth y Trothwy Lefel 3, sy'n 2 bas o leiaf; roedd 97.9% o raddau yn basys A* i E; 78.2% yn A* i C. Mae'n dda iawn gweld bod myfyrwyr sy'n gwneud cyrsiau mewn ysgol heblaw eu hysgol eu hunain wedi cyflawni, ar gyfartaledd, o leiaf mor uchel ag mewn pynciau yn eu hysgol nhw'u hunain; tua chwarter gradd ar gyfartaledd - gweler Atodiad 4.

Mae'r Pwyllgor Cydlywodraethu, y corff cyfrifol dros gytuno'r cwricwlwm ardal leol, wedi cyfarfod yn rheolaidd i drafod patrwm y cwricwlwm, derbyniad opsiynau ac i fonitro cynnydd. Maen nhw wedi trafod materion yn ymwneud â chynaliadwyedd hefyd.

Mae'r Tîm 14-19 yn cefnogi'r Cydbwyllgor ynghyd â Grŵp Gweithredol Dyffryn Clwyd, sy'n delio â logisteg a materion eraill o'r fath. Fe wnaeth y tîm reoli'r peirianwaith taliadau rhwng partneriaid ar ran yr ysgolion a'r colegau, a gwnaed taliadau mewn pryd ym mis Mawrth 2012 fel y cynlluniwyd. Bydd hyn yn galluogi'r Cydbwyllgor i fynd i'r afael â materion cynaliadwyedd a gwerth yr arian ochr yn ochr â'r cynnig cwricwlwm.

- cynigiodd pob un o'r ysgolion a'r colegau yn Nyffryn Clwyd gwricwlwm sy'n rhagori ar delerau'r Mesur Dysgu a Sgiliau eto yn 2011
- fe wnaeth 258* o fyfyrwyr gyrsiau gyda ddarparwyr dysgu heblaw eu hysgolion sefydlog eu hunain (* ar Fawrth 15^{fed} 2012)

Mae'r tabl* isod yn crynhoi cyfranogiad myfyrwyr Blwyddyn 12 a Blwyddyn 13 yn y bartneriaeth

	i	l	i	i	i	i
	Brynhyfryd	Dinbych	Y Santes Ffraid	Glan Clwyd	Coleg Glannau Dyfrdwy, Llysfasi	Coleg Llandrillo, Dinbych
myfyrwyr o ganolfannau eraill	66	41	87	5	25	34

	Ysgolion sefydlog	o	o	o
	Brynhyfryd	Y. U. Dinbych	Y Santes Ffraid	Glan Clwyd
myfyrwyr yn mynd at ddarparwyr eraill	56	115	61	26

Talodd yr ysgolion am y ddarpariaeth hon gyda ddarparwyr dysgu eraill o'u cyllidebau sylfaenol; fe wnaethant dderbyn £175k i'w cyllidebau craidd ar gyfer y cyrsiau yr oeddynt yn cael atynt yn rhywle arall, a thalu ychydig dan £140k allan (maen nhw'n cadw 20% fel y cytunwyd ym Memorandwm Cydddealltwriaeth y Bartneriaeth).

Costau a Manteision Gweithio mewn Partneriaeth COSTAU

(i) Darpariaeth

Cost y ddarpariaeth ar draws yr holl ysgolion sy'n bartneriaid 2012 (o Dablau A – D yn Atodiad 1)			Newid	%
	2009--2010	2011-2012		
Nifer o fyfyrwyr yn y Chweched Dosbarth	545	619	74	13.6%
Cyfartaledd Costau Athrawon (gydag argostau)	£46.24k	£46.8k	£0.6k	1.3%
Cyfanswm Cost darparu cyrsiau Lefel 3 yn y Chweched Dosbarth	£1.722m	£1.714m	(£8.3k)	0.50%
Cost y dysgwr	£3.6k	£2.77k	(£0.39k)	12.4%

Mae'r cyfartaledd cost y dysgwr am y ddarpariaeth ar draws yr ysgolion yn y Bartneriaeth wedi'i leihau o dros 12% o ganlyniad i weithio cydweithredol, er bod cynnydd bach yng nghyfartaledd cost yr athrawon. Er hyn, mae'r cynnydd o 14% yn niferoedd myfyrwyr a'r ehangu arwyddocaol ar y pynciau ar gynnig (o 27 cwrs ar gyfartaledd), mae cost gyffredinol y ddarpariaeth wedi'i lleihau hefyd.

Ar hyn o bryd, mae dwy o ysgolion Dyffryn Clwyd yn gwario'r cyfan o'u cyllidebau ôl 16 ar staffio eu dosbarthiadau Chweched Dosbarth; mae gan ddwy ychydig o arian dros ben i glirio rhai gorbenion a chostau cynnal cyrsiau Chweched Dosbarth. Nid oes gan yr ysgolion yn y bartneriaeth y gallu i hunangyllido'r costau a nodwyd yn (ii) a (iii) isod.

Mae ysgolion yn talu am y rhan fwyaf o'r ddarpariaeth ôl 16 yma trwy'u cyllid craidd eu hunain. Serch hynny mae peth o'r ddarpariaeth yn ddibynnol ar gyllid grant megis amrywiol gyrsiau Cyfrwng Cymraeg megis Peirianeg a Sbaeneg sy'n cael eu cyllido'n gyfan gwbl o grant blynyddol Llwybrau Dysgu 14-19.

(ii) Cludiant

Mae tri bws i bob cyfeiriad bellach yn cymryd yr holl fyfyrwyr blwyddyn 12 a 13 sy'n ymhel â'r bartneriaeth, gyda bws gyntaf pob dydd yn un a fyddai'n dychwelyd i'r Gogledd neu'r De i'w chanolfan beth bynnag. Er bod hyn wedi arwain at arbedion amser ac at arbedion ariannol, mae'r costau'n sylweddol ac yn cael eu cwrdd ar hyn o bryd gan y Rhwydwaith 14-19 trwy Grant Llwybrau Dysgu Cynllun Datblygu'r Rhwydwaith Rhanbarthol.
Costau Cludiant yn 2011-2012 £84.5k

(iii) Cymorth i'r Bartneriaeth

Mae hyn yn cynnwys systemau a thrwyddedau TG ar gyfer olrhain presenoldeb a chynnydd, cefnogi dysgwyr unigol ar lwybrau, cynllunio a

chynhyrchu prosiectws a marchnata ar y cyd.

Costau cymorth y Bartneriaeth 2011-2012: £44.5k

Caiff y costau hyn eu cwrdd yn llawn o'r Grant Llwybrau Dysgu 14-19 hefyd

Manteision – amlinellir y rhain yn Atodiad 2

5. Sut mae'r penderfyniad yn cyfrannu at y Blaenoriaethau Corfforaethol?

5.1 Cefnogi codi a chynnal lefelau cyrhaeddiad, cyflawniad ac ymgysylltiad sy'n cyfrannu at y flaenoriaeth o Foderneiddio Addysg.

6. Beth fydd yn ei gostio a sut fydd yn effeithio ar wasanaethau eraill?

6.1 Mae system gyllido gynaliadwy wedi'i sefydlu ym Mhartneriaethau Dyffryn Clwyd a PR6 sy'n cwrdd â'r rhan fwyaf o ddarpariaeth y cyrsiau

6.2 Mae rhai cyrsiau Cyfrwng Cymraeg yn cael eu cyllido'n gyfan gwbl o'r Grant 14-19 (sy'n £30,000 ar hyn o bryd)

6.3 Costau cludiant a chymorth y bartneriaeth:
Dyffryn Clwyd £107,322 (amcanol 2012-2013)
6^{ed} Prestatyn a'r Rhyl £69,300 (amcanol 2012-2013)
Mae'r rhain yn cael eu cwrdd ar hyn o bryd gan y Rhwydwaith 14-19 trwy'r Grant Llwybrau Dysgu.

7. Pa ymgynghoriadau sydd wedi'u cynnal?

7.1 Mae pob ysgol a choleg wedi bod â rhan lawn er mis Mawrth 2009 a datblygiad yr Achos Amlinellol Strategol ar gyfer Trawsnewid. Mae Pwyllgorau Cydlywodraethu'n adrodd i Fwrdd Partneriaeth Dysgu Sir Ddinbych

8. Pa risgiau sydd ac a oes unrhyw beth y gallwn ei wneud i'w lleihau?

8.1 Nid oes gan ysgolion yr adnoddau i gyllido cludiant a chostau cymorth y bartneriaeth o gyllid craidd.

8.2 Mae'r Gweinidog, hyd yma, wedi gwarantu cyllid grant 14-19 tan Fawrth 31^{ain} 2014 yn unig

9. Grym i wneud y Penderfyniad

Ni ofynnwyd am yr un penderfyniad.

Swyddog Cyswllt:

Cydlynnydd 14-19

Ffôn: 01824 708032